

## Universitätsbibliothek Paderborn

**Theses Theologicae De Certitudine Morali Quam habere  
debet Confessarius de dispositione Poenitentis, ut eum  
sepositâ justâ necessitate licet absolvat**

**Huygens, Gommarus**

**Lovanii, [1685?]**

Conclusio Prima. Fidelis Relator conatur toti mundo persuadere, me tradidisse doctrinam quandam de sigillo Confessionis, quam reverè numquam tradidi, sed veluti certo falsam habui à primo momento, ...

**urn:nbn:de:bvb:12-bsb10951917-8**

eulum esse potest, quam quod Inquisitio illa Toletana pro primā causā, credatur ergo quod pro præcipuā, condemnationis *Methodi* alleget in eā *Methodo* contineri propositiones in Jansenio condemnatas? Siquidem in tantā Adversariorum etiam ad hoc non semel provocatorum multitudine, nullus hactenus potuit, nedum poterit noster **ELOQUENTIA PROFESSOR** ejusmodi propositionem vel unam in *Methodo* designare.

## APPENDIX ADVERSUS LIBELLUM CUI TITULUS **FIDELIS RELATIO.** P R A E F A T I O.

**E**ndem illum, quem in Thesibus nostris quibus hac Appendix adjungitur, paſtim vocavimus PROFESSOREM ELOQUENTIÆ, deinceps non nisi FIDELEM RELATOREM nominabimus, quia ut ante monuimus libellum suum FIDELEM RELATIONEM intitulare ausus fuit, in quo quinque puncta omnia ad quæſionem facti ſpectantia mihi imputat, verè an falso aut etiam mendaciter tuum erit, benigne Lector, perleat hanc nostrā Appendix, ex testimonis & animadversionibus hic allegandis judicare.

### CONCLUSIO PRIMA.

**FIDELIS RELATOR** conatur toti mundo persuadere, me tradidisse doctrinam quandam de ſigillo Confessionis, quam revera numquam tradidi, ſed veluti certo falſam habui à primo momento, quo de illa cogitare cœpi, id eſt, ex quo per FIDELEM iſtum RELATOREM mihi eam adſcribi intellexi, ante enim de illa numquam incident cogitatio.

§. I.

*Exprimuntur iſta doctrina de ſigillo, & ſubjuguntur noſtra aduersus illam protestationes.*

**V**erbis ſubsequentibus mihi imputatur, & deſcribitur doctrina de qua quæſtio:  
„D. HUYGENS docet quod Confessorius ex ſola Confessione ſciens peccatum alieñus  
„occultum carnis, non ſolum non poſſet dare ipſi teſtimonium ad Paſtoratum v. g. Beg-  
„ginagii, ſed etiam deberet poſitivē impedire, ne ad dictum Paſtoratum promoveretur,  
„ne mitteret Lupum inter Oves. Objiciebatur, quomodo Exim. D. hoc poſſet facere  
„ſine fractione ſigilli? Resp. Eximius: conueniens modus foret, ſi Confessorius Epifcopo  
„ſcriberet, quod talis N. N. ad dictum Paſtoratum eſſet inidoneus, quod non deberet  
„illum ad Paſtoratum promovere, Confessorius autem nomen ſuum non signaret. Tunc  
„Theologus aſſumpſit, quod modus ille eſſet inefficax; quia epiftolæ anonymæ Epifco-  
„pus non poſſet dare fidem, imo ne quidem libellis anonymis impressis, & ſic inimici  
„& concurrentes poſſent de unoquoque viro probo talia ſcribere. Eximius reponuit: quod  
„Epifcopus majorem interim curam adhiberet.,, Aduersus hanc doctrinam protestatus ſum  
in Theside 30. Julii 1682. defenſa hiſ verbis: *Quod à nullo Belgii Theologo Catholico doctrina  
iſta tradita fuerit, existimamus: quod non ab illo cui imponitur, certissime ſcimus. Mirum equidem,*  
*ſi quis eam traditam umquam fuiffe afferuerit; & præcipue, ſi publicè, cur, ubi tanta fuerit  
teſtium multitudine, non allegat ſaltē duorum teſtimonia teſtium ſubſcriptione, & aliis que in  
iudicio fidem faciant munera. Quod ſi quispiam fecerit (quamvis numquam facturum credimus)*

per

per sexaginta aut forte plurium auditorum testimonia duorum testimoniorum falsitatem ostendemus. Protestationem meam repetii in *Compendio Theologiae*, id est, *Thesibus hebdomadatim defensis* ab anno 1672. usque ad 1684. pag. 259. Eadem adhuc semel reiterare intendo in lecto mortis, si tamen fortassis continget, ut mors inopinata id non fineret, jam inde toti mundo declaro me nec doctrinam illam neque ullam illi in substantia æquivalenter, vitâ meâ durante, umquam tradidisse.

§. 2.

FIDELIS RELATOR nullum testem nominare potuit, qui afferat  
se ex me audivisse dictam doctrinam de sigillo.

**E**X §. anteriori clarum est doctrinam istam de sigillo, si ego istam protulerim, tradidam fuisse in domesticâ aliquâ sive lectione sive disputatione: dicitur enim quod à Theologo aliquo fuerit mihi objectum: quod modus ille &c. Si in domesticâ lectione vel disputatione id factum sit, ergo præsentibus, ut solet, centum circiter auditoribus: si ita est, cur non exprimitur nomen saltem unius qui doctrinam istam sese ex me audivisse testetur? Quare etiam non designatur dies vel mensis aut saltem annus quibus ita docuerim? Cur, inquam, saltem non unum illorum omnium exprimitur post tempus duorum aut 3. annorum ex quo hæc accusatio incepit, & ubi tanta per talen virum facta est inquisitio?

Sed MAXIMILIANUS SNEL S. T. B. inquit FIDELIS RELATOR, dixit in mensâ Collegii Hovii: Exim. D. HVYGENS docet, quod Confessarius ex sola Confessione sciens peccatum &c. Notet hîc Lector: istud non esse testimonium MAXIMILIANI SNEL verum ipsiusmet RELATORIS FIDELIS qui in suum favorem testatur. MAXIMILIANUM SNEL istud dixisse: verum non constat quod MAXIMILIANUS SNEL istud dixerit, quandoquidem per ipsius MAXIMILIANI SNEL testimonium, contrarium toti mundo declaretur; & quamvis MAXIMILIANUS SNEL dixisset illa omnia (ut vult FIDELIS RELATOR) quid inde probaretur? Cum exercitiis nostris Domesticis in quibus ista contigisse debuissent usque ad tempus inchoatae accusationis numquam se interfuisse, propria manus suscriptione, ipse de scipso subsequenti testimonio testetur.

**C**VM Erud. D. MARCELIS in quodam scripto quod ita incipit. Facultas S. Lovaniensis &c. sub littera A dicat sequentia:

" MAXIMILIANUS SNEL S. T. B. dixit in mensâ Collegii Hovii: Exim. D. HVYGENS docet: quod Confessarius ex sola confessione sciens peccatum alicujus occultum carnis, non solum non posset dare Testimonium ad Pastoratum v.g. Begginas, sed etiam deberet positivè impedire, ne ad dictum Pastoratum promoveretur, ne mitteret lupum inter oves. Objicebatur quomodo Ex. Dominus hoc posset facere sine fractione sigilli, Resp. Eximius: conveniens modus foret, si Confessarius Episcopo scriberet quod talis N. N. ad dictum Pastoratum esset inidoneus, quod non deberet illum ad Pastoratum promovere, Confessarius autem nomen suum non signaret, tunc Theologus assumpsit quod modus ille esset inefficax; quia Episcopale anonyma Episcopus non potest dare fidem, imo nequidem Libellis anonymis impressis, & sic inimici & concurrentes possent de unoquoque viro probo talia scribere. Eximius reposuit quod Episcopus majorem interim curam adhiberet.

Ego infra scriptus affirmo ac declaro; quod numquam in mensâ supra dicti Collegii Hovii, nec ullibi afferuerim vel testatus fuerim prædictam doctrinam esse doctrinam Eximi Domini HVYGENS, imo hoc non potuerim afferere vel testari, cum tunc non fuerim in Schola vel exercitiis, quando Ex. D. HVYGENS casum illum dicitur docuisse: tunc enim habita-

bam in Collegio Malderi, & toto tempore quo in hoc habitavi nullam lectionem aut exercitie  
Ex. D. H V Y G E N S in Pontificio frequentavi, paratus idem affirmare & deponere ubi  
cumque requisitus fuero. Dabam Bruxellis hac 20. Decembris 1684. signatum erat

MAXIMILIANUS SNEL S. T. B.

§. 3.

FIDELIS RELATOR pro testimonio contrà memetipsum acquirendo  
perperam me remittit ad alios.

Potes D. H V Y G E N S, inquit FIDELIS RELATOR, levare testimonia coram  
Facultate Sacra audita, si non sciretur intentioni sua esse contraria: ideoque eorum inspectio  
mihi post varias expostulationes hactenus non conceditur. Respondeo quod, me instanter pe-  
tente, Facultas Theologica voluerit ut FIDELIS RELATOR adduceret testes, quos  
septem numero dicebat apud se testatos esse, quod ego prædictam doctrinam tradiderim,  
petebam id non semel, eâ conditione, ut, si quis istud de me testaretur, reliqui omnes audi-  
tores per me rogandi, unius testimonium falsum, contrariis apud Facultatem testimoniis,  
eliderent. Verum, cum Facultas Sacra nullum ex meâ parte audiendum censuerit, vel ex  
hoc colligat Lector quod nullus contra me testatus fuerit istud, quod prætendit RELA-  
TOR FIDELIS. Præterea aliundè mihi constat quod nullus istorum omnium, qui contra  
me adducti sunt, afferuerit quod ego doctrinam, ante dicto casti comprehensam, umquam  
tradiderim. Sunt enim illi-ipsi: qui à FIDELI RELATORE insigni stratagemate quod  
sequenti ipsorummet testimoniis propalabimus, fuere circumventi.

Minus probat FIDELIS RELATOR remittendo me ad N. D. B. libelli sui Approba-  
orem, quem dicit Illust. D. Internuncio, à me prius interpellato, transcripsisse nomina  
orum qui adversus me testati fuerunt, & addit FIDELIS RELATOR, habita eorum  
communicatione, H V Y G E N S nesciens replicare tacuit. Fateor Illust. D. Internuncium à me  
nisse interpellatum per epistolam quam hic adjungo.

Q Vam Illust. V. D. mihi offerre dignata est operam, quamque pro summa sua humanitate  
non semel præstítit, hanc modò enixè imploratum venio.

Edidit N. D. B. adversus N. N. quemdam libellum cui titulus N. D. B. Duplica, &c.  
Notat in hoc libello unum aliquem prava doctrinæ circà fractionem Sigilli Confes-  
sionis, ut videre est in schedula adjuncta; verum quidem est quod me nominatim non  
exprimat doctrinæ illius esse Authorem, sed dicta sua & rem totam ita componit, ut  
me notari, nullo negotio quivis percipiat, imo eum ipsum me esse cuiquam retulit; huic  
accedit quod edito hoc libello N. D. B. non semel ab alumnis nostris seiscitatus fuerit;  
num doctrinam illam à me tradi audiissent: ut ut sit, doctrinam illam aquè detestor, ac Epis-  
tolam illam mihi pari calumniâ impactam, quæ S. Sedi tam erat injuriosa, & me coëgit  
Illust. V. D. & scripto & verbo interpellare. Hoc itaque obnoxie rogo Illust. D. V. ut pro ea,  
quæ valet autoritate, cogatur præfatus N. D. B. declarare quod me doctrinæ illius authorem  
facere nolit; si verò doctrinam illam à me tradi, aut traditam fuisse existimet, unius ut min-  
imum, alteriusvè testimonio, scripto scilicet, cum expressione ubi & quando id docue-  
rim, probare satagit: quod si facere, quamquam me nunquam tradidisse probè mihi constem,  
unquam potuerit; non deficiat mihi 60. & plures auditores qui unius testimonium elidant:  
Evidem, si præfato N. D. B. sat probatum est, ejusmodi à me traditam esse doctrinam,  
cur nomen meum non exprimit; cur & coram Facultate Theologica, aut iudice legitimo ad-  
versus

versus me non agit; nisi forte quia faciliorum, securiorumq[ue] cōset accusationem apud vulgus,  
Et sicut fert rumor, in Hispania, ubi ego, neque testes in meam purgationem adducendi,  
possimus audiri. Hanc opem si rursus adferre dignatus fuerit, me tot aliis titulis sibi ob-  
strictum, denuo obligabit, ut sim

Illust. D. V.

Humillimus Famulus

Lovanii 15. Julii 1682.

G. HUYGENS.

Itaque libentissimè agnosco Illust. D. Internuncium per hanc epistolam à me fuisse in-  
terpellatum: addo, quod Illustr. receptâ hâc mēa epistolâ, Lovanium venire dignatus  
sit, ut officia sua, prout rogatus erat, interponeret. Verum nego & pernego, quod vel unum  
testem N. D. B. mihi nominaverit.

§. 4.

Frustrà RELATOR FIDELIS remittit me ad quosdam alios ut ex illis discam  
quid contrâ me testati fuerint.

Primò, inquit FIDELIS RELATOR, interrogandus videtur N. STAES S.T.B.  
,, 1. An verum sit quod fuerit in Collegio Hovii, dum N. BUYCKX scripsit, aliis  
,, dictantibus, superius mentionatam esse doctrinam Exim. D. HUYGENS; saltem  
,, in substantia.

,, 2. An ipse & alii non dixerint, quod parati sint sub juramento testari illam esse do-  
ctrinam sui Præsidis.

,, 3. Interrogari potest, quinam sint alii, qui idem cum ipso declararunt in Collegio  
Hovii, vel alibi. Deinde quid Senior ille dixerit & quid STAES responderit.

,, II. Testis interrogari potest N. BISSCHOP, quia dicitur ille replicasse, & tunc  
,, alii interrogentur, prout videbitur.

Quis hæc legens sub specioso titulo *Relationis Fidelis*, non existimet quod omnes isti  
Testes ad quos tam confidenter provocat RELATOR FIDELIS, ejus Relationi sint suffraga-  
turi? Quis non opinetur quod omnes isti contrâ Præsidem suum sint deposituri? Quis non  
ducat Religioni de veritate Relationis vel dubitare, maximè ubi in *Fidelis* istâ *Relatione*  
p. 37. legerit hæc: *Præses Hovii*, id est, RELATOR FIDELIS & ELOQUENTIA PROFESSOR illos (Theologos Collegii Pontificii) ad se venire curavit animo sciendi veritatem;  
Et plures comparsuerunt, & in praesentia sua predictam doctrinam scripserunt, & declararunt esse  
sui Præsidis Pontificii, quos conatus fuit melius docere. Hæc verissima esse affirmat predictus *Præ-  
ses Hovii* paratus juramento confirmans, item quod non dicat hac animo calumniandi. Quæ hic  
de juramento dicit, quis ferat? Obstupesto totus dum hæc perpendo, & mecum indu-  
biè obstupecet Lector, ubi subiuncta Testimonia perlegerit.

IVsis & auditis iis que PETRVS MARCELIS *Præses* Collegii Hovii Lovanii, in  
quodam suo scripto seu Libello impresso, mendaciter & calumniosè objicit Exim. Dominus  
GVMM'ARO HUYGENS Collegii Pontificii ibidem Præsidi, infrascripti quatuor  
Theologi (aliis tribus absentibus) è numero illorum septem, qui apud MARCELIS fuerunt  
& in suo prefato Libello ab ipso ad testandum de rei veritate sunt requisiti, dictam requisitionem  
acceptant & respondent.

II. Verum esse in primis Theologos illos ad fuisse eidem MARCELIS anno 1681. 2. Iunii.

Verum insuper esse, quod ibidem scriptus sit casus de quo in prefato Libello PETRI MARCELIS  
ad litteram A qui est hic qui sequitur.

“ Confessarius ex sola confessione sciens peccatum alicujus occultum carnis, non solum non posset  
& dare ipsi testimonium ad Pastoratum v. g. Beginassi, sed etiam deberet positive impedire non ad  
,, dictum”

, dictum Pastoratum promoveretur, ne mutaret lupum inter oves. Objicebatur quomodo Ex. D. hoc posset facere sine fractione sigilli? Resp. Eximius: conveniens modus foret, si Confessarius Episcopo scriberet, quod talis N. N. ad dictum Pastoratum esset inidoneus, quod non deberet illum ad Pastoratum promovere; Confessarius autem nomen suum non signaret. Tunc Theologus assumpit, quod modus ille esset inefficax, quia Epistola anonyma Episcopus non potest dare fidem, imo nequidem Libellis anonymis impressis & sic iniuncti & concurrentes possent de unoquoque viro probo talia scribere. Eximius reposuit: quod Episcopus majorem interim curam adhiberet.

III. Dictavit casum illum Antonius de Bisschop tunc temporis Theologus plusquam quatuor annorum qui solus inter omnes dubitabat (apud reliquos sex erat prorsus inauditus) an talis casus à quatuor circiter annis (quo tempore erat Theologus quinque circiter mensum) non fuisse propositus in domesticis exercitiis & in illum circiter modum resolutus.

IV. Procul ergo absuit, quod dictus A. De Bisschop voluisse testari prefatum casum fuisse sic resolutum ab Ex. D. HVYGENS, pro ut ibi expressus est vel in substantia, cum etiam illuc à dicto Bis-  
schop fuerit assertum, quod casus ille videretur propositus fuisse à quatuor circiter annis, quo tempore, ut modo dictum, & quod est bene notandum, Theologus tantum esset quinque circiter mensum.

V. Quin imo ibidem expressè dixit: quod tantum de illa resolutione prefati casus dubitaret & aliquid confusi haberet in memoria.

VI. Magis procul absuit à reliquis sex quod declararent illam esse doctrinam Ex. D. HVYGENS, cum è contrario expressè illi declararent se nihil prorsus scire de illo casu.

VII. Falsissimum igitur est & intolerabil calumnia effictum, quod vel unus eorum Theologorum paratus fuerit sub juramento attestari, illam esse doctrinam sui Praesidis.

VIII. Contra verissimum est, casum illum non esse scriptum ut serviret pro Testimonio contra Ex. D. HVYGENS, nec etiam illa intentione, ut scripto haberetur major fides quam nude narratio, sed prorsus ea & unicā intentione scriptus est ut facilius conciperetur idea dicti casus, quem MARCELIS dicebat præ longitudine continuo fugere memoriam, cum tamen (ut aiebat) casum illum non alia intentione exprimi peteret, quam ut exactius & cum omnibus suis circumstantiis Eximio Domino HVYGENS proponeret.

IX. Quod D. MARCELIS ait in suo Libello: Secundis testis interrogare potest N. BISSCHOP, quia ille dicitur replicasse: Falsissimum est illud, cum, ut ante dictum est, dictus Bisschop tunc temporis (quo casus ille fuisse habitus) non esset nisi quinque circiter mensum Theologus, adeoque non Baccalaureus (qui in domesticis exercitiis soli replicare solent) & in capax nedum ad oppugnandum tales casum, sed etiam ad intelligendum.

X. Queritur maximè in Libello prefato Testimonium Staes S. T. B. F.

Requiritus ille, Respondet: Prorsus falsum esse & effictum illam reprobationem (de qua MARCELIS) sibi factam esse ab N. Witten tunc temporis Pontifici Seniore:

XI. Item adhuc magis effictum esse, illum respondisse sequentia, ut pretendit MARCELIS, vos videate ne contra conscientiam aliter dicatis, ut placeatis Praesidi. Unde manifestissime calumnia reus eris MARCELIS nisi producat saltem aliquem, qui dicat hoc STAES dixisse.

XII. Iubet deinde queri Erud. D. MARCELIS à dicto STAES S. T. B. F. an ipse & alii non dixerint quod parati sint sub juramento testari illam esse doctrinam sui Praesidis. Respondet denuo dictus STAES: & illud prorsus falsum esse, imo se dixisse quod ignoraret casum sapienter. Quod amplius, in egressu, cum exteris, PETRO MARCELIS indicavit, & protestatus est, nullatenus se super illo casu testem esse, imo illum se ignorare.

XIII. Similiter PETRUS VAN WAESBERGHE (qui & ipse fuit unus è septem) testatur prorsus esse falsum, se dixisse quod paratus fuerit sub juramento testari, doctrinam dicto casu comprehendam esse sui Praesidis: imo addit se insuper dixisse PETRO MARCELIS: sibi ignotum esse dictum casum; item quod nec potuerit scire, quandoquidem BISSCHOP retulerit casum contigisse eo tempore, quo dictus WAESBERGHE necdum esset Theologus.

XIV. Nominatur item in eodem libello, N. Buycx, tamquam ille, qui priorem casum prefatum scripsit;

scripsit; fatetur ille casum illum aut similem à se scriptum esse apud MARCELIS, idque dictante BISSCHOP; difficitur tamen illum vel ab ipso eo sine esse scriptum, vel ab alio dictatum, ut testimonii loco foret contrà Eximum D. HYGENS, imo dicit non aliâ occasione esse scriptum, quam ut ille casus plenius examinaretur & consideraretur, dicente MARCELIS, quod non tam facile posset concipere casum, nisi scriberetur dictus casus.

XV. Meminit deinde dictus BUYCX, nullatenus ibidem mentionem fuisse factam de testando, illum casum esse D. HYGENS, imo dicit se initimasse PETRO MARCELIS, ante suum tempus id debuisse contigisse. Testatur denique se cum reliquis unanimiter in egressu protestatum esse, nullo modo velle ut dictum scriptum in testimonium adhiberetur quod & D. MARCELIS sanctissimè promisit.

XVI. Quæ hic communiter referuntur, nomine omnium, ex communi historia istius notitia testamur communiter, quæ verò particulari quorumdam nomine referuntur, singuli respectivè testamur idque in trium aliorum propter distantiam loci absentia, sed qui nec ad testandum in prefato libro sunt nominatim requisiti. Quibus subscribimus & testamur. Dabamus propriâ manu. 13. Dec. 1684.

G. STAES.

A. DE BISSCHOP.

CAROLUS VAN WAESBERGHE.

JOANNES BUYCX.

## ANIMADVERSIONES

SURER ILLO QUATUOR THEOLOGORUM TESTIMONIO.

### PRIMA ANIMADVERSIO.

Ex iis, quæ quatuor Theologi in ante allegato testimonio nominatim expressi declarant n. 3. videre licet quod inter septem ad Collegium FIDELIS RELATORIS invitatos, unicus fuerit, qui ad summum dubitaret de doctrina, ut vult FIDELIS RELATOR per me tradita. Reliquis enim sex doctrina ista erat prorsus inaudita. Numquid ergo potius credendum fuerat tanto testium numero, quam uni? Potissimum, cum ex hujus unius relatione constet.

1. Quod ad summum dubitaverit, an doctrina ista fuisset à me tradita.
2. Quod quæstio fuerit de doctrina quæ tunc debuisset fuisse tradita à quatuor annis.
3. Quod oportuisset, ut à tanto tempore unus ille doctrinam istam percepisset, & memoriam retinueret, et si solummodò esset Theologus quinque circiter mensium.
4. Quod, ut numero sequenti usque ad quintum subjungitur, unus ille, id est, ANTONIUS DE BISSCHOP, numquam voluerit aut potuerit testari me doctrinam illam vel in substantia tradidisse.

### SECUNDAA ANIMADVERSIO.

Quæ numero 6. & 7. in testimonio habentur, probant omnino falsum esse quod FIDELIS ille RELATOR habet pag. 34. sui libelli ubi 2. interrogandum dicit: An isti Theologi non dixerint, quod PARATI SINT SVB IVRAMENTO ATTESTARI ILLAM ESSE DOCTRINAM SVI PRÆSIDIS; illâ enim interrogatione significat, quod Theologi sibi dicti parati fuerint testari illam esse doctrinam sui Præsidis: cum tamen in testimonio illorum n. 6. afferatur, quod sex istorum Theologorum declaraverint se nihil prorsus scire de illo casu five doctrina & n. 7. falsissimum esse & intolerabilis calumnia effectum: quod vel unus illorum Theologorum paratus fuerit sub juramento attestari illam esse doctrinam sui Præsidis.

### TERTIA ANIMADVERSIO.

Ex iis, quæ n. 8. iidem Theologi testantur, patet: ipsos insigni fraude à RELATORE FIDELI fuisse circumventos, dum astutè extorsit ut unus illorum dictaret, alius scriberet casum, de quo quarebatur, fraudulenter afferens, non aliâ intentione sese istud

istud petere , quam ut mihi illum proponeret , cum tamen , ut eventus docuit , voluerit toti mundo persuadere casum istum , sive doctrinam esse à me traditam , idque probatum esse testimonio septem Theologorum , eosque paratos fuisse *juramento* testimonium suum confirmare , cum tamen ne vel unus eorum voluerit , aut potuerit istud testari , multò minus juramento confirmare.

Videat nunc Lector quā fide , quo artificio per Belgiam & Hispaniam spargatur ; quod DD. Lovanienses ( nam quod de uno fingitur , etiam ad alios extenditur ) doceant licitum esse Pœnitentis peccata , ex sola Confessione nota , sine illius consensu aliis revelare.

#### Q V A R T A A N I M A D V E R S I O .

**U**NICAM circumstantiam traditionis illius doctrinæ expressit *RELATOR FIDELIS* non enim diem , mensem vel annum expresserat , non etiam an in lectione aliquā domesticā , an in disputatione domesticā contigisset : non etiam quis illo tempore doctrinam istam sive in disputatione , sive in lectione sustinuerit : nam sub finem illius uti quidam replicant , ita & unus doctrinam explicatam veluti Thesim defendit. Sed solummodū dicit , quod *ANTONIUS DE BISSCHOP* replicasse dicatur. Hanc unicam circumstantiam *RELATOR FIDELIS* expressit , verum nec unam illam subsistere ex relatis n. 9. dicti testimonii liquet.

#### Q V I N T A A N I M A D V E R S I O .

**E**X iis , quæ habentur n. 10. 11. 12. videre est , quod *RELATOR FIDELIS* tria falsò asserat de N. STAES S. T. B. F.

Quæ habentur n. 13. 14. & 15. manifestè ostendunt , quod *FIDELIS RELATOR* toti mundo persuadendo , sibi dictorum Theologorum testimonio probatum esse , quod ego doctrinam , de qua quæstio , tradiderim , non minus mundum jam decipiat quam ante deceperit istos Theologos : quia sicut his falsò persuasit , quod tantum vellat , ut unus illorum dictaret casum mihi proponendum , ita nunc falsò conatur persuadere toti mundo , quod casus ab uno istorum Theologorum dictatus , ut mihi proponeretur reverà sit testimonium dictorum Theologorum.

#### C O N C L U S I O S E C U N D A .

In quatuor aliis factis referendis non minus infidelis est *FIDELIS RELATOR*.

§. 1.

Ostenditur id circà illud quod obicit ex quibusdam dictatis.

**R**ELATOREM facta in quibus nos culpat *FIDELIS RELATOR* possemus velut omnino parerga , & ad rem non pertinentia silentio præterire : sed juvat ipsius in istis etiam referendis infidelitatem paucis ostendere. Ex Dictatis N. N. vel *HUYGENS* , ut ait , ponit hunc casum : ponatur ex. gr. quod *Confessorius* , *Pœnitentem* , quem ex sola Confessione novit sceleratum , posset ad *Episcopatum* , vel *Pastoratum* assumere & efficaciter : tum enim videtur posse & debere illum præterire , posito semper quod id fieri possit sine fractione sigilli. De doctrina hujus casus non est hic agendi locus quemadmodum nec inquirendi : An eam doctrinam tenuerit S. Thomas , S. Bonaventura , Scotus , Antoninus , &c. de quibus videre licet illos ipsos Authores. Item Morinum l. 2. c. 16. §. 6. & Sanchez l. 3. de Cons. Cland. disp. 16. n. 2. sufficit namq; quod dictata è quibus doctrina ista citatur non sint mea: quod *FIDELEM RELATOREM* latè non potest , quia jam tories voce & scripto dixi non esse mea dictata dixit etiam ipsem *FIDELIS RELATOR* coram septem illis Theologis de quibus anteriori Conclusione actum est , qui proculdubio idem tum dixerunt , cum inter Theologos istius temporis res illa esset notissima. Quā ergo iterum fide-

*FIDELIS*